

Til Multiconsult

v/Sissel.enodd@multiconsult.no

på vegne av Kystverket og Bremanger kommune

Førde, 24.06.2025

Dette brevet er sendt på vegne av DNT Sogn og Fjordane Turlag, Forbundet Kysten ved Kystlaget Hornelen, Naturvernforbundet Sogn og Fjordane, Norges Jeger- og Fiskerforbund (NJFF) Sogn og Fjordane.

Innspel til varsel om planoppstart: Detaljregulering av farlei ved Olaskjeret, Hornelsflua, Skaten og ved Storøyna for deponi.

Vi i Forum for Natur og Friluftsliv (FNF) vil takka for moglegheita til å komme med innspel i denne saka, og viser innleiingsvis til våre fråsegn datert 13.06.2023 og 31.10.2024 til varslinga om oppstart av detaljreguleringa for- og sjølve områdereguleringa til Holmaneset. Våre vurderingar i tidlegare fråsegn når det kjem til viktigheita av å bevare viktige marine økosystem i fjorden ved å bevare strandsone, grunner og holmar står seg godt også i dag og me anbefaler kommunen og Kystverket å lese desse, og tenke på kva natur det er me skal gje vidare til kommande generasjonar. Det er naudsynt å auke innsatsen for å redusera tapet av natur, ha strengare krav til naturødeleggingar og gjera det lettare å ta betre avgjersla når det kjem til naturtap – spesielt når det kjem til kyst, strandsone og marine økosystem.

Saka

Multiconsult varslar om at det blir starta opp arbeid med detaljregulering for tiltak i farleia i Bremanger kommune. Planen skal bli konsekvensutgreia og planprogram er lagt ut til høyring og offentleg ettersyn. Varslinga er i samsvar med plan- og bygningslova §§4-1 og 12-8.

I Bremager kommune vert det planlagt utdjujing av grunner på sjøbotnen ved Olaskjeret, Hornelsflua, Skaten, samt mogleg deponi på sjøbotnen vest for Storøyna, planid 4648.202501.

Formålet med planarbeidet er å gjera det sikrare og meir framkommeleg for fartøy som trafikkerer i farleia. Det vert regulert område for utdjujing og deponi i sjøområde.

Innspel



FNF forstår veldig godt nytten og viktigheita ved å forbetre trafikksikkerheita i fjordane, spesielt for større skip og riggar, og vi ser at dette er naudsynte omsyn å ta. Vi vil likevel krevje at dei økologiske verdiane i dei same fjordane, blir tungt vektlagt i planprogrammet.

To store globale kriser pregar verda i dag – naturkrise og klimakrise. Naturkrise går først og fremst ut på at biologisk mangfald er under sterkt press og den største trusselen er arealendringar, på land og i hav. Medan klimakrise forverrar situasjonen for biologisk mangfald, så vil naturtap forsterke dei negative konsekvensane av klimakrise. Desse krisene heng derfor tett saman.

Som følge av dette signerte Noreg i 2022 den globale naturavtalen, som seier at vi skal verne 30 prosent av hav- og landområda våre, restaurere 30 prosent av våre øydelagde naturområde og bruke all natur på en helt anna måte enn før. FNF saknar ei heilheitleg forvaltning av kystlandskap og naturverdiar i Bremanger kommune. I denne detaljreguleringa åleine vil det førekomme; sprenging i sjø, mudring i sjø, fjerning av sjøbotn og deponering av massar. Og som så mange andre pågåande og planlagde prosjekt i Bremanger kommune vil det ha store innverknadar på livet i fjorden.

FNF meina at ein må ta større omsyn for bit-for-bit nedbygging av kystlandskap og viktige naturverdiar – spesielt i kyst- og marine økosystem. Oppsummert må det takast spesielt omsyn til at:

- Bremanger kommune har store område med kystlinje, store strandsoner og lange, djupe fjordar, med få, svært viktige grunner. Spesielt viktig er gyteområde og grunner med ålegras og tareskog for fisken i fjorden. Slike grunnar i fjorden må derfor få forbli urørde.
- Bremanger kommune planlegg likevel å byggje ut landareal som går på bekostning av strandsoner, viktige grunner i fjorden, holmar og øyer for å leggje til rette for meir og større industri ved blant anna Holmaneset i Svelgen. Då kjem også behovet for djupare farlei.
- FNF ber kommunen og Kystverket sjå på og vurdere den totale belastninga desse utbyggingane utfyllingane og utdjupingane har på landskapet og naturen i planarbeidet.
- Detaljreguleringa skal konsekvensutgreiast, og det må gjerast på ein måte som er reell og visar godt kva natur-verdiar som kan få negative konsekvensar ved eit slikt inngrep på sjøbotn. Her er det viktig at ein gjer ein grundig jobb. FNF ber om at konsekvensutgreiinga blir gjort av uavhengige aktørar og at ein får gjort det over lengre tidsrom og i fleire årstider, for å kunne danne seg eit godt og riktig bilete av kva økologiske verdiar som finst i fjorden.
- Når det skal fjernast havbotn på denne måten, er det viktig å ha kunnskap om kva botn det er snakk om, og kva fjerning av sjøbotn vil bety for det marine miljøet i området. Det må kartleggjast kva type botn det er snakk om i arbeidsområdet og kva økologiske verdiar som finst her, på botn og i fjorden generelt og korleis slikt arbeid kan påverke dei økologiske verdiane her negativt. Deretter må det gjerast tiltak som minskar dei negative effektane.

Til slutt

FNF krev på ei grundig Konsekvensutgreiing av detaljreguleringa som inkluderer den *totale* belastninga dette arbeidet vil gjere sett saman med andre pågåande og planlagde arealsaker i sjø og strandsona i kommunen. Det må til ei løysing på arbeidet som gjer minst mogleg skade på økosystema i fjorden.

Venleg helsing

Forum for natur og friluftsliv Sogn og Fjordane

Ket Fossen
Koordinator
FNF Sogn og Fjordane

FNF er et samarbeidsforum for natur- og friluftsansjasjonar i Sogn og Fjordane, som arbeider for å ta vare på natur- og friluftsansresser i fylket. Per i dag er det 13 ansjasjonar tilslutta FNF. Ansjasjonane representerer rundt 19.000 medlem i fylket. Forum for natur og friluftsliv (FNF) er opptatt av å ta vare på naturgrunnlaget kommunane har og fremme et allment tilgjengeleg friluftsliv i kommunen.